

# INUIT ATAQATIGIIT INATSISARTUNI



UPA2026/38

29. april 2026

Mimi Karlsen

## **Ilageeqarneq pillugu Inatsisartut inatsisaata allanngortinneqarnera pillugu Inatsisartut inatsisissaattut siunnersuut**

(Meeqqanut, Inuusuttunut, Ilaqutariinnut, Nunamut Namminermut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Inuit Ataqatigiinni ilagiinni sulineq pingaartutut isigaarput. Ilagiit atorfeqarnikkut, aqunneqarnikkut ingerlanikkullu namminiullutik ingerlanissaannik pingaartitsisuuvugut. Ilagiinni sulineq taassaannaangimmat anersaakkut upperisamillu siammarterineq, kisiannili inulerinermik aammalu allanik suliarpassuarnik sulliviummat pingaartipparput atorfininnermik ingerlatsinerit, akisussaaffiit aamma ilagiit iluaniippata. Soorlu ilagiinnut sinniisut taama kissaateqarsimasut: atorfinitsitsineri soraarsitsinermiluunniit namminneq aamma tusarniarneqartarnissartik pingaartillugu.

Naalakkersuisut Inatsisartut inatsisissaata allanngortinneqarnera paasilluarparput. Siunnersuummummi pingaarnertut tunuliaqutaamat Naalakkersuisut kiisalu biskoppip palasinik, provstinik domprovstinik atorfinitsitsisarnermi aamma soraarsitsisarnermi piginnaatitsissut Naalakkersuisuniit biskoppimut nuunneqarnissaa. Inuit Ataqatigiinni isumaqarpugut pissusissamisoortoq suliffiup iluani atorfinitsisinerit allallu qanimut suliarineqarlutillu aalajangerneqartarpata.

Aammattaaq Palasip atuagarsuarnik allattuisup allaffissornikkut suliassaasa ilaat palaseqarfimmi atorfeqartumut allamut suliakkiutigineqarsinnaanera pisariaqartoq paasineqarsimavoq. Inuit Ataqatigiinnii isumaqarpugut palasit ilagiinni innuttaasunik sullissinerminnut piffissaqarnerugunik pitsaanerusoq. Innuttaasummi tarnikkut, aliasunnermi artorsaateqarnermilluunniit ikiortariallit palasinut saaffiginnittartut piffissaqarfigneqarnissaat pingaaruteqarmat.

Taamatut oqaaseqarluta siunnersuut akueraarput.